

Reykjavík, 7. september 2020

Samgöngu- og sveitarstjórnarráðuneyti
Sölvhólsgötu 7
101 Reykjavík
srn@srn.is

Efni: Umsögn um áform um frumvarp til laga um íslenska alþjóðlega skipaskrá.

Hinn 21. ágúst sl. birti samgöngu- og sveitarstjórnarráðuneytið áform um frumvarp til laga um íslenska alþjóðlega skipaskrá á samráðsgátt stjórnvalda, Ísland.is. Áformaskjalið hefur verið yfirfarið á vettvangi SVP – Samtaka verslunar og þjónustu.

Í kafla D.1 í áformaskjalinu er boðuð gerð gerð frumvarps til heildarlaga um íslensk alþjóðlega skipaskrá sem hafi m.a. að geyma ákvæði um skattlagningu kaupskipaútgerða.

Í kafla F.4 er tíundað hvernig gert er ráð fyrir að fyrirhuguðu samráði vegna frumvarpsgerðarinnar verður háttað. Þar kemur fram að drög að frumvarpinu verði birt í samráðsgáttinni og sérstakt samráð verði haft við fagrað um siglingarmál. Efni frumvarpsins mun óhjákvæmilega snert hagsmuni skipaútgerðar með nokkuð beinum hætti. Í því ljósi leggja SVP ríka áherslu á virkt samráð við fyrirsvarsmenn og fulltrúa útgerðarinnar allt frá fyrstu undirbúningsstigum. Lýsa SVP yfir fullum vilja til að taka virkan þátt í slíku samráði og leyfa sér að benda á að innan samtakanna starfar sérstakt flutningasvið sem m.a. hefur það verkefni að fjalla um lagasetningu á sviði vöruflutninga. Innan sviðsins eiga sæti fulltrúar fyrirtækja sem standa að kaupskipaútgerð.

Rétt er að benda á að í kafla G.1 er vísað til fylgiskjals sem ekki verður séð að hafi verið birt á samráðsgáttinni en þó er í grófum dráttum gerð grein fyrir niðurstöðu frummats á áhrifum í kaflanum. Líklegt má þó telja að ráðast þurfi í ýmsa greiningarvinnu við frumvarpsgerðina og því ætti afstaðan að verða ljósari við vinnslu frumvarpsins.

SVP fagna því að ráðherra hyggist beita sér fyrir því að Ísland verði samkeppnishæft á sviði kaupskipaútgerðar enda samrýmist það bæði hagsmunum íslensk samfélags og skipaútgerðar. Í því ljósi er afar mikilvægt að vandað verði til verks við gerð frumvarps til nýrra heildarlaga um íslensk alþjóðlega skipaskrá.

Virðingarfyllt,

f.h. SVP – Samtaka verslunar og þjónustu



Benedikt S. Benediktsson
lögfræðingur